

K. ter Laan-pries veur P.J. van Leeuwen

Nut
27.5.87

GRONINGEN Het bestuur van de Stichting t Grunneger Bouk het in heur vergoadern van 19 maa 1987 de veurdrachten van de jury's veur de toukennen van de K. ter Laan-pries 1986 en de Literaire Pries 1986 overnomen.

De K. Ter Laan Pries 1986 wordt oetlangd aan: Dr. P. J. van Leeuwen oet Loppersum, omreden: hai het t grootste dail van zien leven actief west om Grunneger toal en kultuur onder t volk te brengen:

- as veurganger in Grunneger dainsten, as vertoaler van Biebelfragmenten, psaalms en gezangen;

- as verspraaiden van de kennis van de Grunneger literatuur deur zien vrougere proatjes bie de RONO, deur de veurdrachten en artikelen over Grunneger schrievers en schriefsters, deur t soamenstellen van de "Geschiedenis der Groninger literatuur";

as mede-oprichter en bestuurslid van de Stichting 't Grunneger Bouk;

- as schriever of soamensteller van bouken as Sprokkelholt, Drij kerstverhoalen, Lopster Laidjes en Bie Haarstdag;

- as redactielid en mitwaarker van het Maandblad Groningen, Oet Boukenkist en Toal en Taiken;

- as lid van de sectie gewestelijke cultuur van de Culturele Raad voor de Provincie Groningen;

- as oprichter en drievende kracht achter de Lopster Avondmuziek.

Oet alles bleek zien laifde veur de

streek en de streektoal, laifde dij hai op allerhand menaaiet oetdroagen het.

De Literaire Pries 1986 wordt toukend aan: Krödde, Grunneger tiedschrift (redactie Hanny Die-mer, Frits Plenter, Henk Scholte, Fokko Veldman) omreden: de redactie van Krödde, ook in 1986, traauw bleven is aan de toaken dij heur ainmoud binnen:

- openstoan veur waark van goie schrievers en dichters, mor ook veur jong talent dat gruien mout. Zai dut dat mit veul goie smoak, en mit n zuver gevuil veur weerde;

- gelegenhaid geven aan schrievers en dichters om mit nander over heur waark te proaten;

- de streektoalliteratuur onder t volk te brengen: Grunneger Tiedschrift, n biezondere en hail veurnoame biedroage leverd aan blui en bekendhaaid van de Grunneger literatuur.

Baaide priesen bestoan oet n oor- konde en n geldbedrag van f 1.000,-. Ze worden oetlangd deur gedeputeerde Drs. G. Beuke- ma, op de Dag van 't Grunneger Bouk, dij op zotterdag 26 septem- ber 1987 holden wordt in Het Kiel- zog te Hoogezand.